


Aningaasaqarneq nukittoq naligiinnerunissamut aallaavissatut pisariaqarpoq

2018-imut Aningaasanut inatsisissatut
Siunnersuummik saqqummiineq

Aqqaluaq B. Egede,
Aningaasaqarnermut Akileraartarnermullu Naalakke

Ulloq 21. august 2017 tusagassiortunik katersuutitsineq



- 
1. Killiffik siunnerfiillu
 2. Aallussat suliniutillu nutaat
 3. Sanaartornermi aningaasaliissutit
 4. Sulinerup ingerlaqqinnera

Takussutissiivik



1. Killiffik siunnerfiillu



Suariartornissamut aningaasaqarnikkut aallaavik patajaatsoq

Isertitat:

- Aningaasaqarnerup suuariartornera suli annertuvoq ukioq manna BNP 3 % missaannik qaffariarpoq, 2018-imilu appasinnerulaartumik qaffariassaaq
- Ukiuni aggersuni aningaasanut inatsisip avataani sanaartornernik annertuunik ingerlatitsisoqassaaq, ingammik mittarfinnik
- Aalisarneq suli ingerlalluarpoq, taamaattoq raajat qalerallillu akii pisarineqartullu appariarput
- Aatsitassarsiornernik ingerlatat annertusiartorput
- Takornariartitsineq suuariartorpoq
- Akileraarutitigut akitsuutitigullu isertitat qaffasipput, naalagaaffiullu tapiissutaasa nalingi annertusiartorput

Killiffik (II)



Suariartornissamut aningaasaqarnikkut aallaavik patajaatsoq

Aningaasartuutit:


- Siunissami ikinnerugaluttuinnartut amerlanerugaluttuinnartunik pilersuisuussapput
- Inusuttut amerlaginartut suli sulinatilluunniit ilinniangillat
- Ukiuni kingullerni suliffissaaleqisut ikiliartornerat kigaallakkiartorpasippoq
- Aningaasartuutit annertusiartorput – aaqqissuusseqqinnerit ingerlanneqartinnagit 2030-mi amigartoorutit 800 mio. kr-iussapput



Aningaasaqarnikkut iluatsisimaarneq

Pisiassat akitsoriarterat kigaappoq, naalagaaffiullu tapiissutaasa nalingat qaffasippoq

Ukiumut pisiassat akitsoriarterat ataatsimoortumillu tapiissutit nalimmassarneqarnerat procentinngorlugu



Aningaasaqarnikkut siunnerfiit

Ilorrisimaaginnarsinnaanerpugut?



Aningaasaqarneq nukittunerusoq aqunneqarluartorlu arlalinnik pissuteqartumik pingaaruteqarpoq:

1. Aningaasaqarnerup siuarsimaarnera naassaangitsumut ingerlasinnaanngilaq, siuarsimanerlu isumaminik takkunneq ajorpoq
2. Siunissaq ungasinnerusoq eqqarsaatigalugu isertitat aningaasartuutillu oqimaqatigiinnerannik qulakkeerineq, siuartitsinerit 2030-mi 800 mio. kr-inik amigartoorfiunissaannik ersersitaat
3. Akisussaaffinnik nutaanik naalagaaffimmit tigusinissaq siunertaralugu aningaasanik atorineqarsinnaasunik annertusaaneq
4. Naalagaaffiup ataatsimoortumik tapiissutaanik pisariaqartitsinerup annikilliarortinneqarnissaannik ataatsimut politikikkut anguniagaqarneq
5. Innuttaasut atugarissaarnerannik attassineq ineriartortitseqqinnerlu

Ingerlalluarneq maanna atuuttoq siunissami inunnut attaveqaatinullu pitsaannerusunut makkununga iluaqutaasussanut aningaasaliinermut atorineqassaaq:

- Sutigut tamatigut imminut pilersorneruneq.
- Inuussutissarsiutitigut siuariarternerup attannera suliffinnillu pilersitsineq.
- Siunissami atugarissaarneq qulakkeerumallugu pisortat aningaasaqarnikkut patajaatsuunissaat.

Aaqqissuusseqqinnikkut aningaasaqarnermik patajaallisaaneq 2016-imi Napatitsinermut siuariartortitsinissamullu pilersaarummut malitseqartitsineq



Pilersaarummi aaqqissuusseqqinnerit suliniutillu ingerlanneqarneri:

**Ilinniartitaanermi pitsaassutsip ilinniagaqarnerillu qaffasissusaata
qaffassarnissaa**

- *Suliniutit 13-it akuerineqarput, suliniutit arfinillit piareersaasiorneqarput suliniullu ataaseq utaqqineqarpoq*

**Siuariartornermik ingerlatsineq arlalinnillu toqqammaveqartumik
aningaasarsiornermut ikaarsaarneq**

- *Suliniutit aqqanillit akuerineqarput, suliniutit 14-it piareersarneqarput suliniullu ataaseq utaqqineqarpoq*

Pisortat ingerlatsineranik nutarsaaneq

- *Suliniutit arfinillit akuerineqarput suliniutillu qulit piareersarneqarput*

Ikiorssiissutit siunissamut qularnaarnerat imminullu pilersornerulerneq


- *Suliniutit sisamat akuerineqarput suliniutillu 17-it piareersarneqarput*

Aningaasanut inatsisip oqimaaqatigiinnera



Kisitsisit pingaarnerit (minus sinneqartoorutaavoq)

		AIS2018	UM2019	UM2020	UM2021	Katill.
	(mio. kr)					
IST inernera		-7,3	-8,1	-11,8	11,9	-15,3
IS inernera		-8,6	-4,7	1,2	12,1	0,0



Note: DA-p inernera minusinngitsoa

AIS 2018-imi pingaarnersiukkat

Aaqqissuusseqqinnernik sulianut maanna ingerlanneqartunut siunniussat



AIS 2018-imi pingaarnersiukkat sammisanik pingaarnerni makkunani ikorfartuisuussapput:

- **Ilinniartitaanermi**, inuussutissarsiuutigut ilinniartitaanerit meeqqallu atuarfiat immikkut aallunneqassapput
- **Angallanermi**, mittarfiit annertusarnerannik suliaq immikkut aallunneqassaaq
- **Aalisarnermi nunalerinermilu**, akitsuutinik aaqqissuusineq nutaaq nunalerinermillu ingerlatanut tapiissutit annertunerusut immikkut aallunneqassapput
- **Ineqarnermi**, immikkoortup kommuninit isumagisassanngortinneqarnissaa pineqartumilu imminut inissianik pilersornerulernissaq anguniarlugu aaqqissuusseqqinnerit aallunneqassapput
- **Isumaginninnermi**, meeqqat inuusuttullu aarlerinartorsiortut, pisortat ikiorsiisarnerannik aaqqissuusseqqinneq isumaginninnikkullu aaqqissuusseqqinneq immikkut aallunneqassapput
- **Suliffiit amerlinissaannut** suliniutit akiitsuninnissamillu pinaveersaartitsineq akiitsullu annikillisinnissaannut suliniutit



2. Aallussat suliniutillu nutaat
- nukittunerusumik ataatsimoornermut ikaarsaarneq

Immikkoortut aallussat



Meeqqanut inuusuttunullu aarlerinartorsiortunut iluaqutaasumik siusissukkut suliniutit pitsangorsarneqarnerat

Meeqqat inuusuttullu pillugit inatsimmut nutaamut malitseqartitsineq

Meeqqat ikiorserneqartarnerat pillugu inatsit nutaaq, meeqqanut inuusuttunullu aarlerinartorsiortunut patajaannerusumik suliniuteqajaarnissamut inatsisitigut sinaakkusiisoq Inatsisartut UPA 2017-imi akuersissutigaa.

AI 2017 AIS 2018-lu aallaavigalugit inatsimmi siunertarineqartut naammassisinnaajumallugit aningaasanik immikkoortitsisoqarpoq, makku ilanngullugit:

- 2018-imit kommuninut ataatsimoortumik tapiissutit 24 mio. kr-inik qaffanneqarnerat, aamma
- Isumaginninnermi immikkoortumi meeqqanut inuusuttunullu suliniuteqajaarnissamut immikkut 10 mio. kr-inik aningaasaliisoqassaaq

Immikkoortut aallussat



Meeqqanut inuusuttunullu aarlerinartorsiortunut iluaqutaasumik siusissukkut suliniutit pitsangorsarneqarnerat

- **Angajoqqaarsiat akissarsiaasa qaffannerat.** Januaarip aallaqqaataa aallarnerfigalugu angajoqqaarsiat akissarsiaasa qaffannissaannut aningaasartuutaanerusut matussuserniarlugit aningaasanik immikkoortitsisoqassaaq, tassani nerisanut, kaasarfimmiussanut atisassanullu tunniussassat annerusut ilanngullugit. Tamanna 2018-imut kommuninut ataatsimoortumik tapiissutinik isumaqatigiissummi erseqqinnerusumik isumaqatigiissusiorfigineqassaaq.
- **Sulisunik piginnaangorsaaqqinneq.** Paaqqinniffinni ullumikkut ilinniarsimangitsunik tikisitanilluunniit sulisoqarluni ingerlanneqartuni isumaginninnikkut suliniutit patajaallisarniarlugit, ilinniartitaanermut immikkoortumi sumiiffik qimannagu perorsaasunngorniarluni ilinniarfimmik pilersitsisoqassaaq.

Immikkut aallussat (I)



Aningaasaliissutit qaffasinnerusut peqqinnissaqarfik
ingerlalluartoq qulakkiissavaat

Peqqinnissaqarfiup aningaasatigut sinaakkutaanik qaffaaneq

AIS2018-imi peqqinnissaqarfiup aningaasatigut sinaakkutissaani SANAMUT aningaasaliissutit 10,0 mio. kr-inik kiisalu napparsimasut angallanneqartarnerinut angallassigasuarnernullu il.il. 13,0 mio. kr-inik qaffanneqassapput, taakku peqqinnissaqarfiup ukiuni kingullerni marlussunni aningaasartuutitigut tatineqarfigai.

Immikkut aallussat (II)



Aningaasaliissutit qaffasinnerusut peqqinnissaqarfik ingerlalluartoq qulakkiissavaat

Immikkut suliniutit

- Inorlutik inunngortunut sammititanik suliniutit pitsanngorsarneqassapput, SANA-mummi ukiumut aningaasaliissutit siunertamut atorineqartussanik 6 mio. kr-inik qaffanneqassammata.
- TB-mut periusissiamut nutaamut aningaasaliissuteqartoqassaaq.
- MANU-mik suliniut meeqqat ukioqanngitsunit marluk tikillugit ukiullit angajoqqaavi ilaatilerlugit annertusarneqassaaq. Suliniummi angajoqqaat meeqqamut peqqinnartumik misigissutsitsigut attaveqarnissaa angajoqqaallu uavernermit ajornartorsiornermilu nukissaasa annertusarnissaannik siunertaqarpoq.
- Peqqinnissqarnermut tunngasunik ilinniartitaanerit pitsaassusaasa qaffanneqarnissaannut ilinniartullu amerlanerusut ilinniakkamik ingerlatsiinnarnissaat anguniarlugu aningaasaliissutit. Nunaqavissut peqqinnissaqarfimmi ilinniarsimasutut sulisut amerlanerulernissaat siunertaavoq, tassunga ilanngullugit sygeplejerskit, portørit, sundhedsassistentit nunaqarfinnilu peqqinnissaqarfinni sulisut.



Immikkut aallussat

Atornerluinermik akiuineq

- Aasianni qitiusumik atornerluinermik katsorsaaviup ingerlanneqarnissaanut, atornerluinermik katsorsaanermik pilersaarummut aningaasatigut sinaakkutit 3 mio. kr-it missaannik qaffanneqarput, taamaalilluni kommunini tamani katersorsaaveqalissalluni.
- Hashimik anngiortumik eqqussuisarnermut akiuiniarnerup annertusarnissaa anguniarlugu Akilerartarnermut Aqutsisoqarfik ukiumut immikkut 3 mio. kr-inik aningaasaliiffigineqarpoq.
- Aningaasat ilaatigut Ilulissani ilanngaaserisunik qimmilinnik marlunnik atorfinitsitsinissamut kiisalu Kangerlussuarmi ilanngaaserisumik qimmilimmik ataatsimik sulisut amerlinissaannut atorpeqartusatut pilersaarutaapput. Ilangaaserisut piffinni taakkunaniiginnartinneqassanngillat, ataatsimullu nuna tamakkerlugu suliniuteqarnermut ilaatinneqassallutik.

Immikkut aallussat

Nationbuilding



- **Nunatta Reykjavikimi sinnissoqarfianik pilersitsineq.** AIS 2018-imi Islandimi sinniisoqarfimmik pilersitssinissamut ukiumut aningaasaliissutit 2,5 mio kr-it immikkoortinneqarput.
- **Oqaatsitta patajaallsiarnissaannut aningaasaliissutit amerlanerit.** Oqaasileriffiup oqaatsit pillugit periusissiamik suliaqarnera patajaallisarniarlugu ukioq naallugu sulisunut marlunnut ukiumut 1,0 mio. kr-inik aningaasaliivigineqarpoq.
- **Nunatta eqqumiitsulianik saqqummersitsivianut tapiissutit.** AIS 2018-imi eqqumiitsulianik saqqummersitsivimmik pilersitsinissaq siuarsarniarlugu 2,0 mio. kr-inik aningaasaliisoqarpoq.
- **Inuussutissanik imminut pilersorneruneq.** Inuussutissanik imminut pilersornerunissamut atugassanik ukiumut 10 mio. kr-inik sillimmatinik aningaasaliisoqarpoq. Sillimmatit AIS 2018-ip aappassaaneernerani pingajussaaneerneraniluunniit atortussangortinneqassapput, imaluunniit aningaasat atorineqarnissaannut immikkoortumik pilersaarummik suliaqareernermi Aningaasaqarnermut Akileraartarnermullu Ataatsimiititaliap immikkut aningaasaliineratigut.



Aningaasaqarnerup siuariartorluarnissaa suliffeqartullu amerlanerulernissaat ilimanaateqarpoq

Inuussutissarsiutit siuariartortut

Aatsitassat niuernermi akiat neriunaateqarpoq



Ukiuni arlalinni akit appariartornerat ujarlernerillu ingerlanneqartut ikiliartornerat atuutereersoq, 2017-imi ineriartorneq illuata tungaanut saappoq. Ujarlernernik ingerlatat 2016-imut sanilliullugu marloriaat sinnerlugu amerlanerit ingerlanneqarput.

Tamanna annikitsukkuutaanik aatsitassarsiornermi aamma malunniuppoq, tassanilu 49-t akuersissummik pigisaqarput, qinnuteqaatillu qulit suliarineqaleruttorput.

Suliniutit aalajangersimasut killiffii:

- Greenland Ruby ukioq manna siusinnerusukkut tunisassiornini aallartippaa, rubinillu nunatsinneersut siulliit septembarimi tuniniarneqassapput.
- Hudson Greenland A/S sanaartornermini siuarluareerpoq 2018-imilu ukiup affaani siullermi tunisassiornep aallartinneqarnissaa ilimagineqarpoq.
- Ironbark Greenland A/S-ip sanaartorneq aallartinneqarsinnaaqullugu suli aningaasaliisussarsiorpoq.

Naalakkersuisut 2019-imit atuutilersussamik aatsitassarsiornermut uuliasiornermullu nutaamik periusissiornerlutik piareersaasiuleruttorput

Inuussutissarsiutit siuariartortut

Takornariartitsineq siuariartortuarsinnarpoq



Pitsaasumik ineriartorneq

Visit Greenlandip takornariartitsinermik ingerlatsisuni apersuinerani nunap immikkoortuini arlalinni aamma 2017-imi siuariartornissamut neriuuteqarneq oqaatigineqarpoq.

Kujataani Air Greenlandip Narsarsumut toqqaannartumik angalasinnaasut amerlivai – Air Icelandip Air Greenlandillu Ilulissanut timmisartuussinitik amerlivaat. Ingammik Ilulissani angallaffiulluarnarata nalaani unnuiffissanik amikkittoorneq nalaanneqartarpoq, naak ukiuni kingulliunerusuni unnuiffissat amerlineqaraluartut.

Taamaallaat nunatta kangiani kinguariatsiartoqartoq ingerlatsisut nalunaarutigaa, tamannalu Islandimit Kulusummut timmisartuussinerit appariarnerata kingunerigunarpaa.


Takornariartitsinerup sukarsuannngornissaa siunertaralugu takornariartitsinermik suliniutit annertusarneri

AIS 2018 nunap immikkoortuini tamani tikeqqaartarfinnik pilersitsinikkut ingerlatsinikkullu, mittarfinnut aningaasaliinissatigut takorannersullu amerlanerusut UNESCO-p nunarsuarmioqatigiit kingornussaannut allattuiffianut ilanngutitinniarnersigut, tamatumunnga suliniutinik annertusaaqataavoq.

Inuussutissarsiutit siuariartortut



Aalisarnermit isertitat suli pinngitsoorneqarsinnaangillat



AIS 2018-imi Pinngortitaleriffiup aningaasatigut sinaakktissai annertusineqarput, tassani makku ilanngullugit:

- Avaleraasartooqassusaanik misissuinerit nanginnissaannut aningaasaliissutit amerlanerusut.
- Nunatta kangiani ammassaqassutsip misissuiffigineqarnissaanut nutaatut aningaasaliissutit



Amerlanerit suleqataalersinneqarnissaat

Aningaasaqarneq patajaatsoq

Suliffeqalernissamut kajumilersitsineq



Naligiinneruneq sulinermullu ilanngaateqarneq aqqutigalugu sulinikkut pissarsisinnerneqarneq

- Isertitakinnerit akunnattumillu isertitallit appasinnerusumik akileraartarnissaat Naalakkersuisut kissaatigaat, taamaaliornikkut sulinikkut pissarsiat annertuneruleqqullugit.
- Assersuutigalugu 1 %-imik sulinermi ilanngaateqarneq Kommune Kujallermi inuttaasup ukiumut aningaasat atorsinnaasaasa 500 kr-inik amerlanerulernerannik kinguneqassaaq.
- AIS 2019-ip tungaanut sulinermit ilanngaateqarneq 1. januar 2019-imit atuutilernissaanut tassanngalu aningaasalersuinissamik sulineq aallartippaat.
- Tassanga suliaqarneq isumaginninnermut suliffeqarnermullu tunngasunik aaqqissusseqqinnernik allanik, sulinerup aningaasatigut kajuminnarnerulernissaanik siunertaqartunik ataqatigiissinneqassaaq.

Aningaasaqarneq patajaatsoq

Suliffeqarnermut isumagininnermullu immikkoortuni
aaqqissuusseqqinerit



Suliffeqangikkallarnermi ikiorsiissutit pisortallu ikiorsiissutaasa aaqqissuuteqqinnissaannut piareersaasioq

- Suliffeqangikkallarnermi ikiorsiissutit pisortallu ikiorsiissutaat Naalakkersuisut aaqqissuuteqqinniarpaat.
 - Suliffissaaleqisunut sulilernissamut piareersimasunut innuttaasunillu inuuniarnikkut ajornartorsiutilinnut isumannaarinermik ikiorsiissutinik suliniutinillu toraarisunik 2018-imi inatsisissatut siunnersuummik saqqummiussinissaq siunetaavoq. Aallaqqaammut soqutisaqartut attuumassuteqartut akuutillugit misissueqqissaarnerit aallartinneqassapput.

Inuiaqatigiinni imminut pilersornerulernissamut pisortat kajuminnerulersinnerat

- Namminersorlutik Oqartussat kommunillu ataatsimoortumik tapiissutinik isumaqatigiissut nutaaq toqqammavigalugu suliffeqarnermut isumagininnermullu immikkoortumi utertitsisisarnernik aaqqissuussinerit maanna atuuttut isorinnittumnik nalilersussavaat.
 - Allaffissornerup annikinnerulersinnissaa innuttaasunik pilersorneqartunik suliffeqarnermut akuulersitsineri kommunini pilerilersitsinikkut sakkussatut atorpeqarsinnaasunik pisariaqartitsinerup aaqqissuussineri qulakkeerineqarnissaa siunertaapput.

Aningaasaqarneq patajaatsoq (I)

Amerlanerusut nammineq inimik pigisaqalernissaat
ineqarnermullu tunngasuni sunnerfilikkanik tapiisarneq



Inissianik aningaasalersuinerup nutarternera

UKA 2017-imi piginneqatigiilluni inissiat inissianillu aningaasalersuisarneq pillugu inatsisit allangortinneqarnissaat naatsorsuutigineqarpoq.

- Siunnersuut assigiinngiiaartumik aningaasalersuinermut tapiissuteqalernissaanik siunertaqarpoq, tassani Nuummi, pisortanit taperneqarnissamik pisariaqartitsinerup annikinnerpaaffigisaani, tapiissutit tunniunneqartartut atorunnaarsikkiartorneqarlutilluunniit annikillisinneqassapput.
- Inatsisissatut siunnersuutini inoqarfinni realkreditinit aningaasaliiffigisinnaasaanni ajornakusoortuni ajornartuniluunniit sanaartornerit iluaquserneqassapput, peqatigisaanillu innuttaasut nammineq najugarisaminik piginnittuulernissaannut, soorlu nuna tamakkerlugu piginneqatigiiffiit aqutigalugit, pitsaasunik periarfissiinissamik siunertaq oqimaaqatigiissumik ikorfartuissapput.

Aningaasaqarneq patajaatsoq (II)

Amerlanerusut nammineq inimik pigisaqalernissaat
ineqarnermullu tunngasuni siunnerfilikkanik
tapiisarneq



Inissianik aningaasalersuisarnerup aaqqissuuteqqinnissaata piareersarnera

Naalakkersuisuttaaq inissianik attartortarneq pillugu inatsisip aaqqissuuteqqinnissaa piareersarpaat. Inatsisissatut siunnersuut UKA 2018-imi saqqummiunneqassasoq naatsorsuutigineqarpoq.

- Piareersaasiornermi soqutigisaqartut assigiinngitsut akuliutsinneqassapput, tassunga ilanngullugu pissutsit isumaginninnermut attuumassuteqartut immikkut eqqummaariffineqassapput.
- Aaqqissuusseqqinnermi ullumikkornit annertunerusumik inissiat namminersortunit aningaasalersorneqartalernissaat periarfissinneqassaaq.



3. Sanaartormermi aningaasaliissutit

Sanaartornermi aningaasaliissutit

AIS 2018-imi pisortat aningaasaliinissaannut sinaakutit



Aningaasanut inatsisissatut siunnersuummi sanaartornermi aningaasaliissutit annertunersaat (70 %-init amerlanerusut) piffikkaartumik agguarneqanngillat. Sanaartornermi aningaasaliissutit atorineqarsinnaasut makku aallaavigalugit tullerriiarneqassapput:

- Sanaartornermi immikkoortumi pilersaarutini suliniutit pingaartinneqarnerpaat.
- Nunap immikkoortuini oqimaaqatigiissumik ineriartornissamik pilersitsinissamik anguniakkat kiisalu sanaartornermi aningaasaliissutit immikkoortinneqartut pitsaanerpaamik atorineqarnissaasa qulakkeerneqarnerat.
- Suliffeqarfissuarnit kiisalu uuliasiornermit aatsitassarsiornermillu ataasiartumik isertitat kiisalu akileraarutinit akitsuutinillu immikkut ittumik isertitat attaveqaatinut aningaasaliissutissatut siunnerfilerneqassapput, tassani immikkut mittarfinnut aningaasaqarnermut politikip attanneqarsinnaaneranik qaffasaanermut ilapittuissutit, imminullu napatinnerusumik aningaasaqarnermik pilersitsinermut.

AIS 2018-imi ukiunilu 2018 - 2021 Sanaartornermut aningaasaliissutit (mio. kr.):

	AIS 2018	UM 2019	UM 2020	UM 2021	2018-21 katillugit
Katillugit	631,5	657,5	648,5	643,5	2.581,0

Sanaartornermi aningaasaliissutit



Sanaatornermut aningaasaliissutit immikkoortunut agguarlugit (mio. kr.)

Immikkoortoq (konto pingaarneq)	AIS 2018	UM 2019	UM 2020	UM 2021
Sillimmatit (80)	0	5,0	5,0	5,0
Isumaginninnermut tunngasut (83)	61,8	47,5	36,6	36,6
Ilinniartitaaneq (84)	149	146,3	146,2	141,2
Inuussutissarsiutit (85)	9,5	9,5	9,5	9,5
Peqqinnissaqarfik (86)	51,5	89,5	91,5	91,5
Inissiat (87+89)	177,0	177,0	177,0	177,0
Attaveqaatit (87)				
- Umiarsualiviit	27,7	27,7	27,7	27,7
- Mittarfiit	15,0	15,0	15,0	15,0
Nukissiorfiit (89)	140	140	140	140

Sanaatornermut aningaasaliissutini pissutsit immikkut ittut:

- Suli atualinngitsunut meeqqallu atuarfiannut immikkoortut 2018-imi kommuninut nuunneqassapput
- Ineqarnermut utoqqarnullu immikkoortut 2019-imit kommuninut nuunneqarnissaat piareersaasiorneqassamaarpoq
- Illoqarfinni ilinniarteqarfiusuni inissiat 500-t kollegiatut siunertaqarluni sanaartornissaannut Naalakkersuisut Illuut A/S-imik isumaqatigiissuteqarnissamut piginnaatinneqarput.

Sanaartormi aningasaliissutit (I)



Mittarfinnik nutaanik tannerusunillu aningaasalersuineq

Ilulissani, Nuummi Qaqortumilu mittarfinnut aningaasaliinerit.

Mittarfinnut taakkununga aningasaliissutissatut missingiutit nutaanerit 3,6 mia kr-iupput. Tamatuma Kalaallit Airports A/S-ip sanaartortitsisup annertuumik nammineq aningaasaateqarnissaanik pisariaqalersitsivoq.

- Suliffeqarfiup nammineq aningaasaatai nunatta karsiatigut aningaasalersorneqassapput, sinnerilu avataanit aningaasalersorniarneqarput. Kalaallit Airports A/S-imi nammineq aningaasaatit amerlanerujartortillugit, taarsigassarsiasat minneruleriartussapput.
- Nammineq aningaasaatit qaffasinnerunerat billetit akikinnerunerannut iluaqutsiissaaq, takornariatitsinerullu ineriartornissaanut toqqammavissiillunilu innuttaasut angallannermi appasinnerusumik aningaasartuuteqarnerannik pilersitsissaaq.
- Kalaallit Airports A/S-ip aningaasalersornerata nanginnissaa pillugu Naalakkersuisut AIS 2018-imut allannguutissatut siunnersuummik saqqummiussinissartik naatsorsuutigaat.



Nuna immikkoortuini mittarfiit.

Ittoqqortoormiini Tasiilamilu kiisalu nunap immikkoortuini allani mittarfinnik pisariaqartitsineq aningaasalersuinissarlu misissorneqassapput.

- 2018-i ilanngullugu nunap immikkoortuini mittarfissanik misissueqqissaarnerit ingerlanneqarnissaat pissutigalugu, aatsaat AIS 2019-imi nunap immikkoortuini mittarfiit aningaasalersornissaannut siunnersuutip saqqummiunneqarnissaat naatsorsuutigineqarpoq.



4. Sulinerup ingerlaqqinnera

Periusissaq

AIS 2018–ip suliarineqarnissaanut allannguutissatut siunnersuummik piareersaaneq



Aningaasanut inatsisissatut siunnersuutip aappassaaneerneqarnissaanut immaqalu pingajussaaneerneqarnissaanut allannguutissatut siunnersuutit arlallit suliarineqarnerat, Naalakkersuisut maannangaaq oqaatigissavaat, tassunga ilanngullugit:

- Isertitanut sillimmatitut taaneqartut ukiumut 50 mio. kr-it atugassanngortinneqarnissaat
- UKA 2017-imi UKA 2018-imiluunniit innarluutillit pillugit inatsisissap nutaassap aningaasatigut kinguneqaatissaanik ikkussuineq.
- UKA 2017-imi pisuussutinik atuinermi akitsuutissatut aalisarnermullu tunngasuni inatsisitigut suliniutitigut allatigut aningaasatigut kinguneqaatissaanik ikkussuineq.
- Isumaginninnermut tunngasuni ilinniartitaanermik suliniutit patajaallisarneqarnissaat siunertaralugu, ilinniartitaanermut immikkoortumi pingaarnersiueqqinneq.
- Aalajangernissamut toqqammavissaq manna piareersaasiorneqartoq aallaavigalugu, nussuinissanut suliniutit ataasiakkaat aningaasaliinissaannut pisariaqartitanik aningaasaalersuinissanullu Inatsisartuni isummerneq.
- Kommunik ataatsumoortumik tapiissutit pillugit isumaqitigiissutip nutaap kingunerisinnaasai.
- Ummannap eqqaani ajunaarnersuarmit eqqugaasunut ikiorsiinnermut tunngatillugu saniatigut suliniutaasinnaasut.

Periusissaq

Isumatiginninniarnissanut aggersaaneq



Aningaasanut inatsit pillugu suliat ingerlanneqarnerata ingiaqatigisaanik:

- Partiinut aggersaassut kingusinnerusukkut nassiunneqassaaq.

Partiinut KAAMMATTUUT:

- Siunnersuutit aningaasartuuteqarnissamik nassataqartussat immikkut suliarineqarnatik, aningaasanut inatsimmik suliaqarnermut ilaatinneqassapput. Siunnersuutit aningaasartuuteqarnissamik pisariaqartitsisut tamarmik ataatsimoortumik akimuisumillu Inatsisartuni tullerriiarinermut ilaatinneqassapput.
- Naalakkersuisut 2018-imi sinneqartooruteqarnissaq missingersuutigaat, soorlutaaq ukiuni sisamani aningaasartuutit oqimaqatigiissinneqarnissaat missingersuutaasoq.
- Siuariartornerup nalaanni taamaattussaavoq!

*2018-imut aningaasanut
inatsisissamut siunnersuut
pillugu apeqqutissaqarpisi?*

